

山
中
一
夕
話

山中一夕話卷之三

卓吾先生編次

一編道人屠隆叅閱

山人詞

并自

吳門生

說山人話。山人身著行衣。頭戴巾。弗肯閉門家
裡坐。肆多多。在土地堂裡去安身。土地菩薩看
見子。連忙起身便來迎。土地道。呸。出來。我只道
是同僚下降。元來到是。你個些光斯。欣啖弗知。

是文職武職。唛弗知監生舉人。唛弗知是糧長。
斗級。唛弗知是總書。老人。唛弗來裡作揖。畫冊。
唛弗來裡放告投文。要。寸。問。問。哩。介。挨肩了。擦。
背。急。逗。逗。介。作。揖。了。平。身。轎。夫。個。個。儕。做。子。朋。
友。早。隸。個。個。儕。扳。子。至。親。帶。累。我。土。地。也。弗。得。
安。靜。無。早。無。晚。介。打。戶。敲。門。我。弗。知。你。爲。儕。個。
事。幹。仔。細。替。我。說。元。因。山。人。上。前。齊。齊。作。個。揖。
告。訴。我。裡。的。的。親。親。的。土。地。尊。神。我。哩。個。些。人。

道假喫弗假道真喫弗肯。做詩喫弗會嘲風弄
月。寫字喫弗會帶草連花。只因爲生意淡薄無
奈何進子法門。做買賣喫吃個本錢缺少。要教
書喫吃個學堂難尋。要算何喫弗曉得個五行
生剋。要行醫喫弗明白個六脉浮沉。天生子軟
凍凍介。一個擔輕弗得步。重弗得個肩膀。又生
子百勞勞介。一張說人話。人自害自身。個嘴唇
弄盡子個三十六策。只得投靠子個沈家裡山。

人陪子多少個蹲身小坐吃子我哩幾罇煮酒
餽他方纔通得一個名姓領我見得個大大人
雖然弗指望揚名四海且樂得榮耀一身嚇落
子幾罇親眷聳動子多少鄉鄰因此上也要參
叅見佛弗是我哩無事入公門上地聽得個班
說話就連聲罵道個些實說個猢猻你也忒殺
膽大你也忒殺惡心廉恥喫介掃地鑽刺喫介
通神我見你一箇進一箇出袖中裡常有手本

一個上一個落。口裡常說個人情。也有時節詐
別人酒食。也有時節騙子白金。硬子嘴丫了。說
道。恤孤了。仗義。山子肚腸了。說道。表兄了。舍親。
做子。幾罅腰頭。恁。難道。只要鬧熱。個門庭。你
個樣。瞞心昧已。那瞞得。灶界六神。若還弗信。待
我唱隻。駐雲飛來。你聽聽。笑殺山人。終日忙忙。
着處。跟頭戴。無些正。全靠虛幫襯。咪口裡。滴溜。
清心。腸。墨錠。八句歪詩。管搭公文進。今日胥門。

接某大人明日閻門送某大人山人聽子冷汗
淋身便道土地忒殺顯靈大家向前討介一卦
看道阿能勾到底太平先前得子一個聖筮以
後再打子兩個翻身土地說道在前還有青龍
上卦去後只怕白虎纏身你也弗消求神請佛
你也弗消得去告斗禳星也弗消得念三官寶
誥也弗消得念救苦真經我只勸你得放手時
須放手得饒人處且饒人

眞若虛傳

數學生

濠城有先生眞姓者。名實字若虛。別號竹心。少年業舉子。遊費校。好俠多盍簪。頗有季良之風。然性拙且疎嬾。往往輕施見逋于人。值數奇中。途遭蹶。繼有回祿之變。家遂落。親友無可附者。乃訓蒙爲糊口計。時年半百矣。嘗作一詩以寄慨云。衰年底事入書囚。贏得蕭蕭兩鬢秋。名利盡成蕉下鹿。生涯何異雨中漚。葛蘿落落情難

繫禾黍離離恨未休。回首桑榆猶未晚。不妨再
整舊風流。其爲師也不外飾不微名。不事宴遊
事以稱食。務期無愧於心。如煨燂拙無慕地燒
天之煇。雖歲杪猶夫春初。一有恒而已。先生喜
博識洽聞。但性耿介不容物。語心術則若重門
之洞開焉。以故每見禮於士君子。而不滿於匪
人。先生亦初不以爲意也。鶴鵠一枝。鴈鼠自飽。
屢空若懸磬然。先生則怡然自得。暇則託諸吟

咏以自娛。曾有夕陽回首連鉤盡。一點靈臺自
有天之句。亦不自知其爲貧也。一日有感。嘗作
一詩以自嘲曰。二三童子苦相依。身入樊籠不
得飛。精力一生徒自費。修儀卒歲亦云微。盤中
苜蓿常時見。門外風光總不知。世上萬般皆上
品。看來只有訓蒙低。節屆清明。出郊散步。見花
柳爭妍。禽鳥和鳴。陡覺興盡。日書囚之感。偶見
三童子肩挑野菜。行歌互答。先生嘆曰。吾弗如

也。口占一律云：花雨初晴，淡淡風尋芳。曳杖畫橋東，韶華幾度，塵囂裡，事業平生煨燼中。舉目忽驚春水綠，傷心忍覩夕陽紅。年來兩足多醫索，爭似行歌賣菜傭。前望曲堤流水，半揜柴扉。有一美人，輕盈弱質，俊雅芳姿，倚門而望焉。先生至，則迎拜之曰：相公何來？若素相識者。先生正不知其故，詢之乃一妓者。姓何名韞玉，遂邀入蘭房。粉飾極其精麗，圖書四壁，皆名公筆也。

先之以苦茗繼之以香醪饌羞具且甘旨締觀
之溫潤而栗然可愛可親不啻劉阮之入天台
也先生贈之以詩云流水橋西半掩扉有人如
玉自含輝笑看明月爲歌扇醉倚閒雲作舞衣
金谷潛隨珠比綠昭陽不與燕爭飛懸知善價
還須待此日何妨識者稀與之論談且深語文
墨先生羨曰人生世間如輕塵弱草不過欲圖
快樂耳如卿者朝寒食夜元宵一生受用不盡

韞玉愀然答曰儂家道路下賤不必言然非巧
言令色不足以動人非貪昧隱忍不足以容人
非隨波逐流則亦不足以黜廢人吾性質直每
與此相反是以不免鞍馬冷落耳先生首肯者
數四嘆曰何其言之曲而中若此哉因賦一詩
以自遣曰自分荒齋一角巾也於仕節作遊人
關情月上河橋柳拂面風來紫陌塵白髮何妨
悲蹇拙紅顏却亦嘆沉淪天涯流落知多少司

馬青衫濕淚痕韞玉始知先生乃爲先生者訝
曰吾聞爲師者開絳帳坐皐比立雪坐春風者
敬之若神今胡爲乎發此嘆也先生曰不然師
有大小時有遇不遇余豈若是儔哉余惟集左
右生徒數十輩內多幼小無知冥頑不靈者記
曰善學者師逸而功倍不善學者師勤而功半
功倍者不以爲多功半者輒以爲少莫知子惡
而亦不自揆其旣廩之不稱也韞玉曰如公言

何不舍之而他適耶。先生又以內顧爲憂，不能
涉遠，爲辭韞玉亦作一詩以慰之云：伏生垂白，
尚窮經芸館，優游莫厭清。俗子胸中三窟計，達
人身外一毛輕。借巢鳩亦常嫌拙，近寺人多弗
重僧。君去思君應不少，當年何武未知名。先生
改容謝之，相與携手同行。遙望前溪，忽見畫船，
簫鼓泊於綠柳陰中。一人冠裳甚偉，縱步前來，
適值先生，且喜且愕，乃與先生同筆視者。姓白。

名造號空菴。作倅饒州而回。先生與敘寒暖。洗
盞更酌。因備述感傷之故。空菴曰。天下事平後。
類此。吾以直道不容於時。故有此歸耳。亦賦一
律云。灰心不復羨浮雲。解組歸來日未曛。自分
國謀非肉食。由來身累嘆紅裙。交情久爲風塵
隔。邂逅相親笑語溫。薄有硯田君莫訝。行看苑
李遍河汾。先生笑曰。只恐荆棘多。苑李不能長
耳。坐中咸爲之撫掌。又有一人乃空菴內弟。隨

伴而來者。嘆曰。有是哉。子之言也。吾乃接商者。流耳客有尊卑。貨有美惡。每將高以就低。忝聲而忍氣。稍有不順。則將轉而之他矣。先生默然者久之。又曰。余未館時。嘗靜養僧房。閒遊道院。慕其清逸絕塵。僉曰。公殆未之知乎。出家人清苦莫甚。且非小心謹慎。不足以安其身。自今觀之。清苦同。而逍遙拘束不同。小心同。而幽閒煩劇不同。謹慎同。而一安樂一受氣。又爲不同。爲

僧道者。所謂出家。家爲師者。所謂在家出家者乎。空菴嘆曰。如子言。信知天下事不平者不少也。先生又口占一絕句云。乘暇携筇一賞春。相逢盡是不平人。浮雲世事多翻覆。一笑何須認假真。吟罷。屈伸一覺。乃是一場春夢。東方既白矣。先生笑曰。茲非晝之所爲有感而然乎。霍索披衣。仍入書館。甘心無悔焉。庭前植佳卉數種。可爲玩物適情之一助。至晚。生徒散去。主人

進酒夜坐先生三杯後。又成一律朗吟曰。日把
詩書訓爾曹。中心樂此不爲勞。閒來庭下怡佳
卉。興到牕前賦綵毫。自揆此生無俗累。更多向
晚有香醪。農工商賈皆辛苦。還算教書一着高。

屈屈賦

啓蒙子

屈屈復屈屈。仰天難訴乖造物。人皆讀書遂榮顯。我何讀書成抑鬱。嘆息青春十八時。努力好教書與詩。初心爭謂教書好。我何教書無盡期。百歲光陰能幾何。在家日少離家多。春初倏忽赴東館。歲暮欲歸成蹉跎。今年已過復明年。冷甕青檀皆坐穿。寂寥一飯小牕下。冷淡三盃孤燈前。先生道學徒自尊。主人供膳何曾聞。但願

先生不飲酒。再願先生不茹葷。先生更莫出門走。出門又恐逢親友。友人不覺尋訪來。欲見主人如泄柳。先生只得坐憂悶。不想虛名依本分。有時散步舒精神。本分反爲輕薄人。愚頑之子功難成。屢費盡千萬情。河東獅子反不足。撫兒隔壁高聲爭。先生一日纔放寬。主人責備無交歡。鴻門豈惜白玉斗。大市欲掛平天冠。主人自此無相容。先生踉蹌領下功。一經授人如敝

展遺子黃金難開封。物薄禮輕微來脩受之便。
作無罪囚。身不高飛遠入籠。魚不遠躍輕吞鈎。
束修。况復多虛花。粃穀腐米如升。砂輪官價債。
兩無用。此物如何得養家。先生此屈何可當。天
覆地載空昂昂。青天萬里在何處。十年空對槐
花黃。白雲滿目鴈南飛。青山落日子規啼。高堂
白髮望甘旨。室內空遺爽李姿。七情不許隨我
身。五味雖憶由他人。誰能問我接浙行。誰能問

我居擇隣。男兒讀書當富貴。富貴不來須自致。
良辰美景夢中過。賞心樂事愁裡度。問君有才
既有德。可攀龍鱗舞鳳翼。麒麟高閣圖功臣。黃
金置閣延上客。問君無德既無才。爾可田園歸
去來。白雲空谷桂花香。秋風江上芙蓉開。問君
二者既不爲。囊琴匣劍將何之。川源遠近皆可
樂。漁樵耕牧隨所宜。漁者無榮亦無辱。日日扁
舟共妻子。得魚換酒醉復醒。欸乃一聲多不理。

樵者無憂安與危。利谷曉出行歌歸。未雪先防
隱薜蘿。迎暄已得眠。市廬農人。有事在南畝。耕
鋤朝朝。雨夫婦。養子教孫。衣食足。頭白何曾識
官府。牧童有樂。人不識。臥牛背上。由朝夕。南村
北村。烟雨歌。三聲兩聲。風月笛。漁樵耕牧。俱有
樂。不在天祿。不在爵。早知教書。反不如。絳帳皇
比。永忘却。反思祖宗。有薄田。簞瓢陋巷。三四椽。
布衣。饘粥。尚消遣。一家骨肉。常團圓。先生先生。

王先生可憐三十名未成。床頭金盡多憔悴。風
簷寸畧難爲情。東君東君如若識。先生素抱策
華質。鸞鳳固非荆棘棲。蛟龍豈是池中物。屈屈
歌寫不盡今情何多。街頭一時紙價貴。墨池蘸
盡春水波。君不見鍾子期相逢遲。高山流水憑
誰知。又不見孟浩然。天下賓客徒紛紛。先生就
此爲君別。收拾清風與明月。誰能聽我彈鋏歌。
吾輩豈是蓬蒿列。

長恨歌

姚江老人

月啓更殘。漏聲斷續。萬事驚心。眠不熟。仰面望
天天未明。側耳聽雞雞正宿。舊愁新悶。不可禁
起剔銀釭。訴衷曲。少年胸襟。大地寬。精神志慮
超凡俗。百工技藝。不屑爲。萬卷詩書。勤苦讀。讀
書望登天子堂。豈知讀書成勞碌。數年流落江
湖中。江湖世事多蕭索。一身去住由主人。三餐
茶飯由奴僕。寂眠孤枕。夢魂寒。冷落書齋形影

獨放蕩猶恐玷儒風。常把身心自檢束。身如無
罪囚。落在無罪獄。利兌蠅頭不可言。弟子愚頑
難教育。幼者年方十二三。長者年已十五六。未
識讀書滋味深。一心思要顧鴻鵠。拘縛矩度嚴。
護短不容加鞭朴。撫育少功程。又責先生才不
足。此情此苦訴與誰。長歎一聲自藏蓄。我思家
有數畝田。勤耕可以供軒粥。我思家有數株桑。
養蠶可以供衣服。牆東有枝和靖梅。雪裏花開。

香馥郁。堦前數莖瀝溪草。雨中葉茂齊腰綠。池
中可養化龍魚。庭前可栽栖鳳竹。既有一所舊
書房。又有數間茆草屋。堂上有親壽。可祝室中
有女。顏如玉。愁來酒一壺。閒來棋一局。坐臥得
自由。進退無拘束。散散誕誕過一生。何必衣紫
腰金食天祿。嗟我功名心性酷。飄然未肯退林
麓。丈夫有志事竟成。窮途何必吞聲哭。大舜未
登庸。深山伴麋鹿。蘇秦未封侯。曾受妻嫂辱。我

有志冲天我有書滿腹文章壓倒呂東萊詩才
不讓黃山谷啄啄獸中麟琅琅石中璞海底神
龍不久潛廐中良馬豈常伏嘗聞韓呂儔出入
更爲僕又聞百里奚將身自秦齊馮驩長鉞不
須彈郭隗之屋終自築我歎長歌非口才吐出
胸中愁萬斛興來揮筆寫長歌書盡如天紙一
幅長歌賦罷膽氣豪叮嚀重爲主人囑主人聽
我囑叮嚀世事如棋如轉軸冷地傳臚報一聲

天下英才皆刮目

關公一集卷之三

十五

七

捲雪文

蒙求子

學以治生爲先。不可無謀食之計。師以淑人爲
貴。尤當嚴衛道之防。慨自世降而風微。遂致道
衰而日甚。倚門糊口。效彈鋏之馮驩。寄食資身。
同垂釣之韓信。一金雖甚薄。俛首於濁富之間。
百里敢辭勞。委身於不親之地。視生徒猶骨肉。
遂棄子與拋妻。以館舍爲廬。豈遽離鄉而肯井。
去時動經累月。不道歸遲。來時未及半旬。却嫌

久滯無枷無鎖實爲自在之囚不啞不聾化作
痴呆之漢巧其言善其色獻諂何異於卑微禁
則止令則行奉命實同於輕賤束人事機神未
解遞稱爲聖爲賢書生文理但粗通包渠發魁
發解習成便佞巧裝百樣溫存抖出寒酸盡露
千般醜態毛錐將安用直須曲意徇人文章難
捺饑只得垂頭喪氣事非由我辜負雪月風花
身屬他人受盡酸酸冷淡幽暗若產鬼魅燈

火未來時。淒涼境界憶家。

生歸去。後濃香。

染鬢韶華多向苦中過。烈火燒心。家事盡從忙裡辦。雖春花爛熳。何從金谷。遨遊秋月光輝無暇。瓊樓賞翫。炎威似火。宜避暑。偏說道。心定自然涼。冷氣如水。當向火却教我冷來休。要勸他惱時言語不遜。沒奈何。忍耻含羞。我餒時茶飯未來。只得擔饑受餓。七情未得從吾願。十年只替別人忙行坐。皆在人前。分明是上賓模樣。志。

氣落千人後。其實是本等。生涯總然覓得一兩
五錢。怎補得千倉百空。徒使斯文掃地。豈知富
貴在天。幾番欲發憤辭歸。受不過儒家清淡。若
待要屈志。且留當不得客館。淒涼捱止歲終時
候。益增悽慘。情懷館童落落似朝星。半明半滅。
門弟悠悠如夏燕。自去自來。向闌房。樂爾妻孥。
那管你黃昏。獨坐拉賓。朋儕兩邊。豈念我終
夜孤眠。誰人效立雪楊游。何處尋浴沂童冠。雨

灑書牕聲淅瀝。打破歸心。風吹紙帳影翩翩。盤
回旅夢。算功課。論長說短。欲訴無門。討東修指。
東話西要。歸不得。反不如操瓢丐者。乞餘壚郭。
沒憂愁。怎學得。捧鉢道人。笑傲州霞。無管東農。
工商賈。莫非人。奚必教書爲業。城市鄉村皆有。
利。何須處館營生。戴天履地。直男子。不思展驥。
足千里。馳驅博古通今。大丈夫爲甚。戀蠅頭。一
生籠絡。從今奮翼。定令飛過愁山。及早回頭。還

月夕
好脫離苦海。撥開雲霧。超凡界。再覩青天。剖破
藩籬。卽大家安行坦道。且去乘龍朝帝闕。莫教
駒馬傍人門。勉作捲堂之文。永白處館之戒。

村學先生自敘

青龜生

利欲驅人萬火雞。世途擾擾幾歡悲。謾言富貴書生分。誰解青袍悞老儒。小子不是別人。乃是村學市中。一個先生是也。每憶少年時。通今博古。焚膏繼晷。牕前勤苦十年餘。學成文武藝。幾向棘闈。酣征鏖戰。龍門點額暴腮。筆柰命途多舛。時運不齊。避曲江之車塵。無長門之際會。因此上田園廢盡身口不支。正是空餘文字三千

卷一字何曾療得饑。農焉而勞之不任。商焉而財之無資。工焉而巧之不素。丐焉而面之無皮。徬徨三思。不知所之。記得古人有句話。財主敗落。便教書噫噓。噓。師道之來久矣。你看那孔仲尼立數仞門牆。開儒宗於春秋之際。孟子負巖巖氣象。演道學於戰國之時。河汾說教者。文中子。斗山瞻仰者。韓退之。以至歐蘇吳邵。及乎周程張朱。浚洙泗之源。配廣伊洛之支裔。師道尊。

斯文熾。真足以啓天下之仰慕。仰學者之依歸。道學之盛。於茲極矣。嗚呼。物隆則替。器滿則歛。天下之常理。你看那姤花日降。日下風俗日澆。日漓。吾輩旣非前輩。今時又非古時。福被古人收去。今人是還債的東西。小子村學堂中。坐了幾載。其中滋味。果是無恓。人誰無父母。父母如天地。我的父母。倚盡了王氏的門廬。人誰無兄弟。兄弟本同氣。我的兄弟。冷落。了姜家的布被。

嬌嬌嫡嫡。恩恩。半拋半離。長夜守着空
空的帳子。兒兒肉肉。親生的男女。無倚無依。鎮
日看那白白的庭間。自家日常。看着幾個書生。
羈羈絆絆。與犯罪囚徒無異。年終算着幾担束
修。多多少少。與顧下常行不殊。吃了無數的冷
冷熱熱。那飯碗。奈了幾多酸酸澁澁。那酒。應接
人家親友。小小。心。心。猶恐怠慢了。賓客。叫人家
奴婢。哥哥。嫂嫂。猶恐。撞了。那厮。開口。教書人。

便拾着句讀動手改課人又議着高低記問偶
不到村夫也要盤倒奇字倘不識小子也索賤
虧又有一般難處的事務正是擔輕又不得放
重又難支課少了主人嫌懶惰功多了弟子道
難爲有一箇苦切的時節正是書生歸去後燈
火未來時冷冷清清無人管待昏昏黑黑獨自
支離有一個主人膠柱鼓瑟棋不用着詩不許
題庭無花卉作樣架無經史做媒誰管你神疲

意倦誰管你晝永夜遲好苦也教我怎消遣過
得日兒有一個娘子清奇古怪茶又故晏飯又
故遲座上青氈既薄爐中獸炭更希誰知你身
寒脚冷誰知你口渴肚饑好苦也交我怎熬煎
過得夜兒有一等學生強頭掘腦教東做西無
廉無耻說是說非人家內眷又護痛東道又不
知雖有朴作教刑交我也難施身子裡好似嚴
姑手裡無緣的媳婦踽踽涼涼拘拘束束一星

星要循規矩。又似晚母身邊失愛的小孩兒。孤孤
悽悽。怯怯虛虛。半點兒不敢差遲。有所言必議
之。而後言。誰詐你。亂嘈亂雜。有所動必提之。而
後動。誰許你。胡做胡爲。步履必安詳。居處必正
靜。誰許你。懈懈怠怠。衣冠必肅整。容貌必端莊。
誰許你。離離披披。茶肆酒肆。昔日那慷慨高情。
到此來。滿將拋棄。偷香竊玉。少年的風流狂態。
從今後。一筆勾除。學兩分痴呆。纔可誦人歡喜。

執一。味勤緊方得免人淹咨。師弟之禮甚嚴。不可一日放曠。賓主之間不易能保一世歡娛。且是那春三二月。山青水綠。孰不提着壺拏着盞。酬着佳期。我獨守其空齋。只落得昏昏悶悶。秋九八月。更長漏永。孰不披着妻。挽着兒。卒着殘歲。我獨參其空床。無奈何縮縮悽悽。大六月內。暑鏤金也。須要戴着帽。披着衣。穿着那布褲子。管着那暑襪兒。熱烘烘誰知。淹得我肌膚酸鼻。

怎能勾得浴乎沂。風乎舞雩。三嘆咏歸。十二寒
頭凍折膠也。須要把着筆。描着硃。坐著那冷板
凳。踏着那冷地皮。陰水水。誰知凍得我鼻涕淋
漓。怎能勾烹黃雞。酌村醪。醉倒玉山頽。千般苦
萬般悲。小子非是看煙業在其中矣。可憐這村
學堂裡。埋沒了多少高才的漢子。枉屈了多少
絕學的男兒。苟有丈夫之志氣者。豈可依依於
斯。寄語天涯海角。青氈客子。規聲裡。自深思。

阜羅袍帶排歌

枉了通經博史。可堪的家廢。只索教書爲因此。
少飯和衣。無端牕下。閑愁氣。也曾每食設醴也。
曾彈鋏無魚也。曾東南畫錦也。曾桃李乖違甘。
酸苦澁俱嘗至。合寒共暑。飽共饑。自家心事自。
家知。言與行。動與移。受人拘束受人虧。

旅食朱門甲第。未能勾願脫。只索到底。雖然名。
分是賓師也。須步步循規矩。何曾懼歌沉醉。何。

曾舞劍敲碁。何曾樗蒲博戲。何曾寫畫題詩。風
花雪月俱拋棄。合寒共暑。飽共饑。自家心事自
家知。言與行。動與移。受人拘束受人虧。

嗟嗟說

嗟嗟勢利徒。方寸勞且拙。曾見勢利人。疾忙聚
情節。脅肩并諂笑。奴顏與婢膝。次日卽踵門。搥
然下請帖。掃舍潔豆觴。斗膽莫見卻。依期幸寵
臨。震驚如霹靂。梨園倩一夥。獨卓盛排列。湯饌
親進承。奔走如電掣。搬得半本戲。顯者欲返轍。
兩手若張網。甜言有換席。強邀復進坐。歡喜動
聲色。子弟頻勸酬。只少出妻妾。酒闌無不散。計

窮心未愜。喃喃道。乏殺。喋喋云。簡囊隨行。到乘輿。猶自不忍別。作揖袖露泥。打躬肩過膝。回身覺困倦。臥房少安息。終夜不成眠。專等五更撒鷄鳴。卽抽身。逢人便誇說。某科某舉人。是我好相識。某科某進士。是我久交結。忽朝遇諸途。不勝其斛觥。衣裳抖一抖。巾帽捺一捺。緊緊又雙手。匆匆站街側。因他問一聲。鞠躬不敢直。見他手一拱。額頭着地貼。風聞些小事。流水送盤盒。

倘或遇親喪。絲銀折帶。且百慮更千思。猛省一
妙訣。鑽求好心腹。婉款通媒妁。容男拜下風。聘
金先三百。容女侍衾枕。妝貲盈箱篋。無論假和
真。那管疎與戚。何嫌被紙糊。但愿忝眷末。八節
及四時。奇新美品物。走趨或那移。惟命罔敢逆。
偃蹇遭官非。倚仗爲泰岳。好的存體面。愴惶探
消息。下筆正修書。沉吟挑不得。必須幫一箇。這
是小拆拽。反的起花頭也。與問顛末。方纔講得。

過搔首嘆週楚除非親去見欲言又自訥更或
辭不諧必須現豁豁歸取孔方兄將來乞笑納
輻似悉乾質僕從要加一今日細追思往事空
跋跌費錢不救急買得名尺幾嗟嗟我何如看
破爲豪傑

幫閒賦

司風使者

咄嗟世道寢衰。時事變易。舉世好奉。斯人獻諛。
豈料遊手遊食閒徒。竟是坑人溺人厭物。脫空
爲業。奸詐萬端。美俏爲生。賤昧百出。方相扳爲。
從叔。豐邑認爲祖基。借居不過一間。寒舍道連
數巷。墳地毫無半畝。薄田說跨幾鄉。蹴爾乞人。
不屑。彼固恬然。踣爾行道。勿受渠則安矣。乍會
間。小心惟恐不及。以處後。狡猾漸覺有餘。鵲鵲

子旺邊飛。比方切當。坑缸蟲。閭裡鑽。譬喻精。詭
拏。屁投臂。酷似擲梭之鳥。捋鬚。餵嘴。儼如竊食
之猫。自暮及朝。吃的這七件。都非已物。從頭至
踵。穿的那一樁。出自本貲。掠美市恩。相知間。開
開懷。飲壺酒。借花獻佛。舍親處。歇歇脚。待杯茶。
賃領闊襪。卑木強裝。飄逸。借頂稀驥。長帽恍學。
時新。肩項本平。故意竦高。三寸額頭。非砌。闕動。
轍踵銑前。幾分一味。露天人情。獨行着水官話。

讀書袋爲飽學。打市語爲奇談。撒漫則曰。將家
人擴充。則曰。店裡貨。叫混名。叫應。不敢不敢。施
長揖。連謝。夜來。夜來。順人機妙妙。呵呵。拍手
迎人。意是是。是。是。噴。噴。顛。顛。止沸。轉添薪。這壁廂
火燒熟竈。墮井。復下石。那壁廂。冷語冰人。好氣
質。老趄。徒愛云。則愛。蠢東西。真滯。貨。憎云。則憎
劈面勾人笑容。撲堆着巧笑。冷笑。強笑。千般笑。
回頭。伺人愁臉。頓翻作新愁。舊愁。閒愁。一片愁。

潘安貌司馬風流贊得人心快子建才石崇富
貴騁得人名高捨命叨陪竟晨昏愈加精采要
功子大寒暑敢惜勤勞綽騎執鞭曰我小人
自當承受措檠抹筋云大叔每不勞動煩食必
先嘗揀精肥種種色色衣得無薄問寒暖雨雨
風風狗吠鷄鳴樽俎上無般不至驚聲鳥氣斯
文前靡所不爲繡鬼臉弄神通拗曲作直咬大
指伸長舌搬是掠非和戲子謳歌腔調扇底佳

娼家擺溜紙掣袖中妻妾在顯者不來道正是
忘形結納路傍詫那人何往於不瞞知己見招
朝事無關寧說南北官具誰陞誰降字義罔曉
浪評唐宋書畫某假某真出口雖黃潛攪破一
團和氣撐胸矛戟穩包藏滿面春風閒時指東
話西臨境移南換北任傍人排比佯托痴聾與
同輩爭光竭其極把生人前驪娘我怕誰我仗
誰希罕誰私地裡結交我吃你我著你全靠你

插金鐘。綽摸些閒頭腦。跌竹碗。勒指些小便宜。
受賄賂。暗詭寄些田產。會後徽。強把持些行市。
說事過付。往往開私門。釘鬼門。立契作中。每每
伸後脚。拆壁脚。起發件骨董。駕言小女。喜歡頂
獻枰。肥鮮定道山妻。餽饌試其經紀。舉手加額。
仰靠龍天。問及閨閣。鬪齒推肩。託賴洪福。打聽
幾家新妓。極稱蘇小之嬌。尋綽一箇團童。脩道
宋公之美。千。攢撥。萬。攢撥。陪走一遭。你贊襄我。

貧寒請來。一會打鰓舖。聽那聲心狀。更更說真
方。賣假藥。嘴。薄。蠶。吃盡泰山。剛腸似鐵。味。滿
乾腦髓。利口如刀。良家子弟。爲彼傾囊。見不得
六親骨肉。遠路客商。因他折鈔。還不得千里家
鄉。風裡絮。畢竟沾泥。鏡中花。如何結果。猛見利
盡交疎。一時星散。可憐人窮智短。百憂蠅生。畫
餅不充饑。望梅徒止渴。蚤虱故相惹。蚊蠅能相
親。妻逢頭子垢。面無復人形。瘡遍體。病纏身。埋

冤。狗。命。冷。蕭。蕭。離。攤。壁。倒。難。支。持。門。戶。伶。俜。極。
離。離。舊。襪。破。鞋。脚。穿。補。身。材。狼。狽。竊。取。東。鄰。子。
昂。帖。換。得。米。幾。升。拐。來。西。舍。右。軍。書。抵。得。柴。幾。
束。某。老。某。老。誰。復。使。人。來。幾。官。幾。官。無。心。念。君。
矣。回。視。曩。昔。殊。覺。差。池。舊。情。付。與。東。逝。波。新。詞。
聽。唱。西。江。月。

○笑。我。一。生。土。直。囉。解。博。來。半。世。紛。華。舌。耕。強。
似。種。桑。麻。風。月。趁。人。瀟。灑。○莫。自。豪。門。失。脚。難。

禁垣巷帝

妻兒呼恩趙枝花只磨清寥豔寡

賭博賦

覺迷迂叟

有志之士。惟親簡編。無籍之徒。專事賭錢。圓盤
散盆。靜極而方。方若骰子。動極而圓。紅四綳。爛
金么。鮮妍。錢財盈諸袖裏。籌馬推于案前。習之
者如醉如夢。愛之者如痴如癡。引類呼朋。如鶻
鷂之喚友。貪前失後。如蚱蜢之捕蟬。六塊臭狗
骨頭。今玩之如白璧。一幅破蒲席。段今臨之如
綺筵。雙目轉動。今如鬼如鵝。寸心狠毒。今如狼

如鷓鴣夏目炎炎兮。或終朝而廢食。寒風烈烈兮。或徹夜而忘眠。坐處豈分于高下。來時不諭乎後先。街市小人。每齊行而並列。屠沽下賤。咸執袂而拍肩。一擲二擲兮。奚啻數十。三開四開兮。直至百千。口則呼盧而同喝噪。手學坐六而不輕便。雙足冷如水濕。一心熱似火燃。幸或一勝。今如遊蓬島。片時閑暇兮。若坐針氈。此乃牧猪奴之戲。殊非成家子之緣。孰云劉毅之曠達安。

得袁耽之精專。或技藝之輩。今終身喪其職業。或賈肆之兒。今何心坐于市廛。豪客奢迷。亦易盡千金之產。富翁放縱也。難留數頃之田。矧輸財之速。今何異。矧目嘆反本之難。今誠若升天走入塲內。便需茶。索酒。回到家中。乃斷火絕烟。妻號寒于臘日。子啼饑于豐年。徒能向惡。安肯親賢。一被賄徒之蠱惑。如遭痼疾之纏綿。有錢費之殆盡。無藥療之可痊。若偶出而邂逅。卽到

處而流連非假他人之課債。卽竊妻子之鈔鈔。
或買鈔之爭差。今遂成反面。苟分文之較計。今
便欲揮拳。晝則神魂之飛蕩。夜則夢寐之倒顛。
每侵晨而早出。至薄暮而未還。使老母倚門盼
望。今愁懷戚戚。嬌妻守室。躊躇今憂心懸懸。上
焉負教育之恩。裁下焉乖伉儷之婢媿。論生意
今連年杜絕。詢家計今逐日遷延。看其行止。今
誠不足齒。見其窘迫。今又何足憐。刑律禁之而

弗畏。父兄詔之而不悛。廉耻喪之盡矣。禮義曷
嘗有焉。醜行人人而憎嫉。惡名處處而流傳。有
子而誰與匹配。無妻而誰結姻婭。卒致一生之
貧困。永爲百歲之連遭。不耕而無粟。可爨。不織
而無衣。可穿。蓬門挂蓆。敗壁無磚。茹食恒遭乎
缺乏。性命亦難乎保全。千般苦楚。萬種憂煎。問
何爲而至此。因賭博而使然。達人君子。幸監斯
篇。

訟師賦

覺迷迂叟

世道衰而爭端起。刁風盛而訟師出。橫以虎狼之心。戀以溝壑之欲。靠利口爲活計。無田而農。倚刀筆作生涯。無本而殖。閔人爭。痛心激忿。揚人惡。刺骨撫誣。媒孽事端。妄相告託。聯聚朋黨。互計舞文。閤閤婚姻。却被他交構一番。遂違秦晉之好。公平田土。怎禁他調弄百出。便與鼠雀之詞。搬闢兩下相爭。則證事指時。捏就打傷人。

命離間同氣失好。則以虛爲實。裝成晉古家私。
最怕太平。惟喜多事。寫呈講價論事體之重輕。
做狀索錢看機宜之大小。或起稿於草紙。纔錄
過紛紛扯碎。以滅其跡。草創於白牒。一謄完
急急洗去。以泯其迹。價高者百般裝艷。務求聳
動乎官府。價輕者一味平淡。那管埋沒了事情。
顛倒是非。飛片紙能喪數人之命。變亂黑白。造
一言可破千金之家。脫他無開。輒思釁禍。撈得

浮浪尸首奇貨可居。緝着說寄旧糧。託袋在此。結識得將危的大盜。囑他攀扯冤家。密密裡賺栽大罪。畜養箇久病的老兒。攬柴跌詐富室。兩白地結起深冤。設使對理。則挽硬幫見証。將無作有。假令講和。則傾低銀首飾。美假成真。律條指掌可陳。誥令隨口而出。奸富訟與公室。盛價聘致私堂。茶罷開言。卽鼓掌而歡笑。曰。老翁高見甚妙。甚妙。吾輩真個不及酒闌定計。乃側首。

而沉吟曰。學生愚。意這等執事。以爲何如。
美兵刃於尖唇。伏機鋒於禿管。以院司爲衣鉢。
障地生波。藉府縣爲姻媒。青天掣電。倚門賣術。
常重富而輕貧。踵市獻壽。惟害人而利己。朝來
利在於趙。乃附趙以幣錢。晚上利在於錢。復向
錢以背。趙操縱如提木偶。反覆若弄嬰兒。又能
餌李客之言。送於張氏之耳。復探張氏之說。悅
乎李客之心。及其彼此。傳傳原被結訟。因而挑

攬行財於中。侵剋使用。剛傑之輩。希圖決勝。則進囑托之謀。說事處。往往各平均分。愚弱之徒。但欲苟安。則獻買和之策。交臂。每十而取七。乘打點市恩。早快。趣請求。結好吏。甚者官府未審而供稿已成。對理未經而罪名先定。倘然幸勝。則曰非人力。不至於此。偶爾問輸。則曰使神通。其如命何。奸邪未伸。狡猾復肆。或造不根謗帖。遍傳四處。以爲中傷之階。或捏無影訪。

單計聞上官以賈滔天之禍卒致報復相尋家
不可保冤仇世結身亦難容妻怨嘆於房幃貽
恨罔極子放蕩於閭里流禍無窮彼方踞華屋
被文繡猶懷虎視之心孰敢批龍鱗搔虎鬚聲
彼通天之惡境內畏同蛇蝎便是窩賊贓鑄私
錢相戒閉口里中敬如鄉宦因而結婚姻勤誼
會始得安身至於惡貫既盈法網難遁或徒三
年或徒五年未幾計挾驛官無奈放回故土或

問充軍。或問爲民中途威脅解子只得隨還本
鄉故欲興仁俗教唆之律宜嚴若挽顏風理筆
之流當逐謹臨風而作賦其電覽而留神

夜兒傳

王禮

兵興荆楚沔爲數戶口十餘萬富積寶貨男子
從征戍家居者率婦女媼婢也。有皮工蔡姓者
出陰計縫虎皮爲衣手足着銅距長二寸許。遇
夜匍匐而行。若真虎也。踰垣牆破門闢婦人女
子悉駭怖竄逸。惟身之不免是憂。牲畜無論矣。
卽奇貨重寶盡委之。惴惴不敢睇視。以爲神虎
也。一郡相謂曰。今之財物非悖致者乎。皇天降

罰因是孽而喪耶不然何出入不常莫能逐也
蔡繇是日富盡棄其有於床下凡三歲不敗鄰
有袁氏者家惟妾三人一日刺豕蔡市肉不得
怒夜蒙虎皮入其室衆妾適頂之其一妾謂其
二人曰恐虎去而不畏者踵入一室將盡吾有
也吾冒死以覘之緩急汝吾助遂潛往伺于室
之奧俄而虎復入人立四顧取虎所不取者妾
抱持之大噉虎挾其面躡其脰妾察有異抱持

之愈緊。嗚呼二妾。二妾嗚呼。四鄰集。蔡髮弗免。
褪其皮。逃去腰以下。未及褪也。妾以皮聞諸官。
官命大索得之。掘蔡罪室。得虎皮半截。驗之。令
籍其家。坐其孥。梟其首於市。君子曰。世之肆貪
暴以戕害人者。蓋白晝之於鬼也。蒙其皮爲姦
於昏夜者。彼知僇之。身爲於菟。於白晝而弗知
已者。又將誰僇耶。殆哀妾之未遇耳。世之畏威
俯伏。寧齏粉其身。而不思除其姦者。何智力不

陽卷一第

卷之三

以

妾婦若也